

## **1. სავალუტო ოპერაციებთან დაკავშირებული შეზღუდვები**

თიბისი ბანკი ოპერირებს საერთაშორისო სანქციების რეგულაციების შესაბამისად და დანერგილი აქვს გაერთიანებული ერების ორგანიზაციის (UN), დიდი ბრიტანეთის (UK), აშშ-ის (USA) და ევროკავშირის (EU) სანქციების რეჟიმებით გათვალისწინებული მოთხოვნები.

თიბისი ბანკი მუდმივად აახლებს თავის შიდა პოლიტიკა/პროცედურებს სანქციების რეჟიმების ცვლილებებიდან გამომდინარე.

გემოლნიშნულიდან გამომდინარე, თიბისი ბანკში სავალუტო ოპერაციებთან დაკავშირებით იმოქმედებს შემდეგი მნიშვნელოვანი პოლიტიკა:

**1.1. აშშ-ის უცხოური აქტივების კონტროლის ოფისის (OFAC) ახალი ბრძანებით გამკაცრდა უცხოური ფინანსური ინსტიტუტების ვალდებულებები რუსეთის ფედერაციასთან დაკავშირებულ ტრანზაქციებზე.** შეზღუდვებიდან გამომდინარე, რუსეთის ფედერაციასთან დაკავშირებული ოპერაციების შესასრულებლად ბანკის მიერ შესაძლოა მოთხოვნილ იქნას დამატებითი დოკუმენტაცია /ინფორმაცია (მაგ: ინვოისი, კონტრაქტი, საქონლის წარმოშობის სერთიფიკატი და ა.შ). გთხოვთ, გაითვალისწინოთ, რომ დაუშვებელია ტრანზაქციების შესრულება იმ პირების მონაწილეობით, რომლებიც არიან სანქცირებულნი ან ოპერირებენ რუსული სამხედრო-სამრეწველო კომპლექსის სასარგებლოდ.

**1.2. ბანკის შიდა პოლიტიკით დაუშვებელია სანქცირებულ ქვეყნებთან, მათ შორის, ირანის ისლამურ რესპუბლიკასთან პირდაპირ/ირიბად დაკავშირებული ტრანზაქციების შესრულება,** რაც ასევე გულისხმობს ამავე ქვეყნის ტერიტორიის გავლით და/ან ირანში რეგისტრირებული სატრანსპორტო საშუალებით (საჰაერო, საზღვაო, სახმელეთო, სარკინიგზო) ტვირთების ტრანსპორტირებას, ან იმგვარ ტვირთებთან/გადაზიდვებთან დაკავშირებულ ანგარიშსწორებას, სადაც საქონლის წარმოშობის ან ტრანსპორტირების ქვეყანა არის ირანი, ან სხვა სანქცირებული ქვეყანა.

## **2. საზღვარგარეთ თანხის გადარიცხვის პირობები**

**2.1. თუ თქვენი კომპანია გეგმავს თანხის გადარიცხვას შემდეგ ქვეყნებში:**

- **I ჯგუფი** – China, India, Indonesia, Iraq, Pakistan
- **II ჯგუფი** – თურქეთი, აზერბაიჯანი, სომხეთი, რუსეთის ფედერაცია, ყაზახეთი, ყირგიზეთი, ბელარუსია
- **III ჯგუფი** – არაბთა გაერთიანებული საემიროები

**2.2. გთხოვთ გაითვალისწინოთ თიბისი ბანკის შიდა პოლიტიკით განსაზღვრული პირობები:**

- **თუ გადარიცხვის შესრულებისას, პირდაპირი ან ირიბი მიზნობრიობა არის საქონლის შეძენა/მიწოდება /იმპორტი/ ტრანსპორტირება ნებისმიერ ვალუტაში გადარიცხვის შესრულების დროს** აუცილებელი წესით უნდა ატვირთოთ ინტერნეტ ბანკში ან წარმოადგინოთ ფილიალში **ინვოისი ან/და კონტრაქტი** და დამატებით:
  - **საქონლის წარმოშობის დამადასტურებელი დოკუმენტი** - II და III ჯგუფის ქვეყნებში გადარიცხვისას
  - **საქონლის ტრანსპორტირების დოკუმენტი** - I და III ჯგუფის ქვეყნებში გადარიცხვისას

**გამონაკლისი:** II ჯგუფის ქვეყნებიდან თურქეთში თურქული ლირის (TRY) გადარიცხვის დროს საჭიროა მხოლოდ **ინვოისი ან/და კონტრაქტი** და არ არის საჭირო საქონლის წარმოშობის დამადასტურებელი დოკუმენტი.

- **თუ თანხა ირიცხება შემდეგ ქვეყნებში:** SINGAPORE, HONG-KONG, MALAYSIA, SOUTH KOREA, PHILIPPINES, TAIWAN, SRI LANKA, OMAN, YEMEN, QATAR, THAILAND, MYANMAR, VIETNAM, SAUDI ARABIA, TURKMENISTAN, KUWAIT, BAHRAIN, BANGLADESH, CAMBODIA, BRUNEI, LAOS, BHUTAN, გადარიცხვა სრულდება მხოლოდ ინვოისის/კონტრაქტის კონტრაქტის საფუძველზე, მომხარებელმა დამატებითი დოკუმენტები უნდა წარმოადგინოს მოგვიანებით, ბანკის მოთხოვნისთანავე.

**2.3. თუ გადარიცხვის მიზნობრიობა არ უკავშირდება საქონლის შეძენა/მიწოდებას, მაგრამ შინაარსობრივად უკავშირდება კომერციულ საქმიანობას (მაგ: სერვისი, მომსახურება)** ნებისმიერ ვალუტაში გადარიცხვის დროს უნდა ატვირთოთ ინტერნეტ ბანკში ან წარმოადგინოთ თიბისი ბანკის ფილიალში:

- **ინვოისი ან/და კონტრაქტი** - II და III ჯგუფის ქვეყნებში გადარიცხვისას

**გამონაკლისი:** თურქეთში ნებისმიერ ვალუტაში გადარიცხვისას თუ გადარიცხვა არ უკავშირდება საქონლის შეძენა /მიწოდებას მაშინ არ არის საჭირო ინვოისი და ან/კონტრაქტის წარმოდგენა ;

### **3. უცხო ქვეყნებიდან თანხის ჩარიცხვის პირობები**

**3.1. თუ თქვენ გეგმავთ უცხო ქვეყნიდან თანხის მიღებას შესაძლებელია ჩარიცხვა შეჩერდეს ბანკის მიერ და თქვენ ინტერნეტ ბანკში შეტყობინებით მიიღოთ მოთხოვნა დამატებითი დოკუმენტების წარმოდგენის თაობაზე.** მნიშვნელოვანია მოთხოვნილი დოკუმენტების წარმოდგენა სხვა შემთხვევაში გადმორიცხული თანხა უკან დაბრუნდება.

**3.2. აღნიშნული წესი უკავშირდება ყველა ქვეყანას განსაკუთრებით ჩარიცხვებს შემდეგი ქვეყნებიდან: აზერბაიჯანი, სომხეთი, რუსეთის ფედერაცია, ყაზახეთი, ყირგიზეთი, ბელარუსია, არაბთა გაერთიანებული საემიროები.**

### **4. დოკუმენტაციასთან დაკავშირებული მოთხოვნები**

4.1. საქონლის შეძენასთან/მიწოდებასთან დაკავშირებული **ინვოისი / კონტრაქტი** უნდა მოიცავდეს შემდეგ მონაცემებს:

- მხარეები და მათი რეკვიზიტები
- ინვოისის / კონტრაქტის თარიღი და ნომერი
- თანხა და ვალუტა
- გადახდის პირობები
- მიწოდების პირობები – INCOTERMS
- მიწოდების ვადები
- პროდუქციის მახასიათებლები: რაოდენობა, წონა / მოცულობა
- პროდუქციის მწარმოებლის დასახელება
- პროდუქციის მწარმოებლის იურიდიული მისამართი
- პროდუქციის წარმოშობის ქვეყანა
- სასაქონლო ნომენკლატურა, დასახელება (HS კოდი)

4.2. **საქონლის ტრანსპორტირების დოკუმენტი** - იგულისხმება მიმდინარე ტრანზაქციასთან დაკავშირებული ტრანსპორტირების დოკუმენტები, როგორებიცაა:

- CMR – საავტომობილო გადაზიდვის სატრანსპორტო დოკუმენტი
- RWB – სარკინიგზო გადაზიდვის სატრანსპორტო დოკუმენტი
- MAWB – საჰაერო გადაზიდვის სატრანსპორტო დოკუმენტი
- MBL – საზღვაო გადაზიდვის სატრანსპორტო დოკუმენტი

4.3. **ინვოისი / კონტრაქტი და საქონლის ტრანსპორტირების დოკუმენტი შესაბამისობაში უნდა იყოს ერთმანეთთან**, სხვა შემთხვევაში შესაძლოა ბანკის მხრიდან მოთხოვნილი იქნეს დამატებითი დოკუმენტები.

4.4. **საქონლის წარმოშობის სერტიფიკატი** - იგულისხმება დოკუმენტი, რომლითაც დგინდება საქონლის მწარმოებელი ქვეყანა ან/და საქონლის მწარმოებელი.

**5. გაცნობებთ, რომ სანქციებთან დაკავშირებული ტრანზაქციების გამოვლენის შემთხვევაში, ბანკი უფლებას იტოვებს:**

5.1. შეაჩეროს ტრანზაქცია (გადარიცხვა/ჩარიცხვა) დამატებითი განხილვის მიზნით და მოითხოვოს დოკუმენტაცია (კლიენტთან კომუნიკაცია მოხდება **ინტერნეტ/მობაილ ბანკის შეტყობინებით**)

5.2. მომხმარებლის მიერ წარსულში შესრულებულ ტრანზაქციებზე მოითხოვოს დოკუმენტაცია;

5.3. გააუქმოს ტრანზაქცია როდესაც არ ხდება მომხმარებლის მიერ მოთხოვნილი დოკუმენტის წარმოდგენა და/ან შეუსაბამობაში მოდის ბანკის შიდა პოლიტიკასთან (კლიენტთან კომუნიკაცია მოხდება **ინტერნეტ/მობაილ ბანკის შეტყობინებით**)

5.4. დახუროს მომხმარებლის ანგარიშები (წინასწარი შეტყობინების გარეშე).